



SAMKEPPNISEFTIRLITIÐ

Málsnr.: R17020034
Skjalasafn Ráðhúss
21. apríl 2017
Bréfalykill: 6250-1

Borgarfulltrúar í Reykjavík
Ráðhúsi Reykjavíkur
Tjarnargötu 11
101 Reykjavík
Sent með tölvupósti

Reykjavík, 5. apríl 2017
Tilv.: 1702012

Varðar: Samkeppni við meðhöndlun úrgangs, skýrsla Norrænu samkeppniseftirlitanna.

Þann 14. febrúar 2017 barst Samkeppniseftirlitinu afrit af bréfi Hauks Björnssonar forstjóra Íslenska gámafelagsins ehf. til borgarfulltrúa Reykjavíkur. Í bréfinu er vísað til þróunar í úrgangsmálum á Íslandi á undanförnum árum. Vitnað er til sameiginlegrar skýrslu norrænu samkeppniseftirlitanna um samkeppni við meðhöndlun úrgagns sem kom út á árinu 2016, *Competition in the Waste Management Sector – Preparing for a Circular Economy.*¹ Þá er í bréfinu fjallað um fyrirkomulag við sorphirðu í Reykjavík og það boríð saman við fyrirkomulag sorphirðu í nágranna sveitarfélögum. Jafnframt er fjallað um gjöld vegna meðhöndlunar úrgangs í sveitarfélögum og þau borin saman. Loks leggur bréfritari til að Samkeppniseftirlitið, borgarfulltrúar og fulltrúar atvinnugreinarinnar eigi fund og fari yfir stefnu borgarinnar í þessum málaflokki.

Vegna gerðar framangreindrar skýrslu lögðu norrænu samkeppniseftirlitin í töluverða vinnu til að greina markaðinn fyrir meðhöndlun úrgangs á Norðurlöndunum. Meðal annars var lagaumhverfi markaðarins skoðað ítarlega ásamt þeim hagrænu atriðum sem skipta máli. Ýmis dæmi voru tekin til skoðunar þar sem samkeppnisleg vandamál höfðu komið upp auk þess sem litið var til rannsókna á áhrifum samkeppni við meðhöndlun úrgangs á verð og gæði þjónustunnar. Samkvæmt þeim rannsóknum sem litið var til hefur komið ljós að ávinningur af því að opna fyrir samkeppni á sviði söfnunar úrgangs hefur verið á bilinu 10-47% sparnaður. Í lokaklafla skýrslunnar eru lagðar fram sex tillögur til að bæta samkeppni við meðhöndlun úrgagns á Norðurlöndunum.

Með vísan til framangreinds lýsir Samkeppniseftirlitið sig reiðubúið til þess að kynna framangreinda skýrslu fyrir borgarfulltrúum og starfsmönnum Reykjavíkurborgar. Þá er Samkeppniseftirlitið jafnframt reiðubúið til að funda með borgarfulltrúum og öðrum hagsmunaðilum um stefnumörkun á þessu sviði.

¹ Skýrsluna má nálgast á vefsíðu Samkeppniseftirlitsins: <http://www.samkeppni.is/utgafa/frettir/nr/2769>.



Virðingarfyllst,
Samkeppniseftirlitið

Magnús Þór Kristjánsson
Magnús Þór Kristjánsson

Afrít: Íslenska gámafelagið ehf.; Kubbur ehf.; Gámaþjónustan hf.; HP Gámar / Hópsnes.